

## Начало общее всем канонам

Малый, семипоклонный начал.

Совершается всегда в начале и в конце церковных и домашних молитв.

**Бо́же, мѣлостив бѹди мнѣ, грѣшному(ней) (поклон).**

**Созда́выи мѣ, Го́споди, и помѣлуй мѣ (поклон).**

**Без числа согрѣшихъ, Го́споди, помѣлуй и прости́ мѣ грѣшнаго(ную) (поклон).**

**Досто́йно есть, я́ко воѣстину блажѣти Тя Богоро́дице, прѣсно блажѣнную и пренепоро́чную, и Ма́терь Бо́га на́шего. Честне́йшую херувѣм и сла́внейшую воѣстину серафѣм, без ислѣния Бо́га Сло́ва ро́ждьшую, сѹщую Богоро́дицу Тя велича́ем (земной поклон).**

**Сла́ва Отцѹ и Сы́ну и Свя́тому Ду́ху (поклон).**

**И ны́не и прѣсно и во веки веко́м, ами́нь (поклон).**

**Го́споди помѣлуй, Го́споди помѣлуй, Го́споди благослови́ (поклон).**

**Го́споди Иису́се Христѣ, Сы́не Бо́жии, моли́тв ра́ди Пречи́стыя Твоея́ Ма́тере, си́лою Честна́го и Животворя́щего Креста́, и свята́го а́нгела моего́ храните́ля, и все́х ра́ди свята́хъ, помѣлуй и спаси́ мѣ, я́ко Бла́г и Человеколю́бец, ами́нь (земной поклон без крѣстнаго зна́мения).**

**Бо́же, мѣлостив бѹди мнѣ, грѣшному(ней) (поклон).**

**Созда́выи мѣ, Го́споди, и помѣлуй мѣ (поклон).**

**Без числа согрѣшихъ, Го́споди, помѣлуй и прости́ мѣ грѣшнаго(ную) (поклон).**

По обычном начале мирянин глаголет:

**За** моли́тв святы́х оте́ц на́ших, Го́споди, Иису́се Христé, Сы́не Бо́жии, поми́луй нас. **Ами́нь (поклон).**

**Святы́и Бо́же, Святы́и Кре́пкии, Святы́и Безсме́ртнии, поми́луй нас (трижды, с поклонами).** Сла́ва Отцу́ и Сы́ну и Свято́му Ду́ху, и ны́не и прісно и во́ веки веко́м, ами́нь. **Пресвята́я Трои́це, поми́луй нас. Го́споди, очисти грехи́ на́ша; Влады́ко, прости́ беззакóния на́ша; Святы́и, посети́ и исцели́ немо́щи на́ша; и́мене Твоего́ ра́ди. Го́споди поми́луй (трижды).** Сла́ва Отцу́ и Сы́ну и Свято́му Ду́ху, и ны́не и прісно и во́ веки веко́м, ами́нь.

**О́тче наш, И́же еси́ на́ небесех. Да святі́тся імя Твое́. Да при́дет ца́рствие Твое́. Да бу́дет во́ля Твоя́, я́ко на́ небеси и на землі́. Хлеб наш насущныи даждь нам днесь. И остави́ нам до́лги на́ша, я́коже и мы оставля́ем должникóм на́шим. И не введи́ нас во искуше́ние. Но изба́ви нас от лука́ваго.**

**Го́споди, Иису́се Христé, Сы́не Бо́жии, поми́луй нас. Ами́нь. (поклон).**

**Го́споди поми́луй (12 раз).** Сла́ва Отцу́ и Сы́ну и Свято́му Ду́ху, и ны́не и прісно и во́ веки веко́м, ами́нь.

**Прииді́те, поклоні́мся Царе́ви на́шему Бо́гу (поклон).**

**Прииді́те, поклоні́мся Христу́, Царе́ви и Бо́гу на́шему (поклон).**

**Прииді́те, поклоні́мся и припаде́м к Самому́ Го́споду Иису́су Христу́, Царе́ви и Бо́гу на́шему (поклон).**

## **Псалом 142.**

**Г**осподи, услыши молитву мою, внуши моление мое во истине Твоей, услыши мя в правде Твоей. И не вниди в суд с рабом Твоим, яко не оправдится пред Тобою всяк живый. Яко погна враг душу мою, и смирил есть в земли живот мой. Посадил мя есть в темных, яко мертвыя веку, и уны во мне дух мой, во мне смутися сердце мое. Помянух дни древния, поучихся во всех делах Твоих, и в делах руку Твоею поучахся. Воздох к Тебе руке мой. Душа моя, яко земля безводная Тебе. Скоро услыши мя Господи, исчезе дух мой. Не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне Господи путь, в онь же пойду, яко к Тебе взял душу мою. Изми мя от враг моих Господи, к Тебе прибегах. Научи мя творити волю Твою, яко Ты еси Бог мой. Дух Твой благии наставит мя на землю праву. Имене Твоего ради, Господи живиши мя, правдою Твоею изведеши от печали душу мою. И милостию Твоею потребиши враги моя, и погубиши вся стужающия души моей, яко аз раб Твой есмь.

**С**лава Отцу и Сыну и Святому Духу, и ныне и присно и во веки веком, аминь.

**Аллилуия, Аллилуия, слава Тебе, Боже (трижды, с поклонами).**

**Г**осподи помилуй (12 раз). **С**лава Отцу и Сыну и Святому Духу, и ныне и присно и во веки веком, аминь.

### **Затем глас 6-й.**

**Бог Господь** и явися нам, благословен грядый во имя Господне.

**Затем повторяем пением: Бог Господь** и явися нам, благословен грядый во имя Господне.

**Стих 1: Исповедайтесь** Господеву яко Благ, яко в век милость Его.

**Затем пением: Бог Господь** и явися нам, благословен грядый во имя Господне.

**Стих 2: Обышедше** обыдоша мя, и именем Господним противляхся им.

**Затем пением: Бог Господь** и явися нам, благословен грядый во имя Господне.

**Стих 3: Не умру,** но жив буду и повею дела Господня.

**Затем пением: Бог Господь** и явися нам, благословен грядый во имя Господне.

**Стих 4: Камень,** Его же небрегоша зиждущии, Сей бысть во главу углу, от Господа бысть Сей, и есть дивна во очию нашу.

**Затем пением: Бог Господь** и явися нам, благословен грядый во имя Господне.

### **Тропарь глас 6-й.**

**Помилуй нас** Господи, помилуй нас, всякаго бо ответа недоумеюще, сию Ти молитву, яко Владыце, грешнии рабы Твои приносим, помилуй нас Господи, помилуй нас.

**Слава** Отцу и Сыну и Святому Духу.

**Господи,** помилуй нас, на Тя бо уповахом, не прогневайся на ны зело, ниже помяни беззакония наших, но призри на ны, яко Милосерд, и избави нас

от враг наших, Ты бо еси Бог наш, и мы люди Твоя,  
и все дела руки Твоею, и имя Твое призываем.

**И** ныне и присно и во веки веком, аминь.

**Богородичен.** Милосердия двери отверзи нам,  
Благословенная Богородице Дево, надеющихся на Тя  
не погибнем, но да избавимся Тобою от бед. Ты бо еси  
спасение рода христианскому.

### **Псалом 50.**

**Помилуй** мя, Боже, по велицей милости Твоей. И по  
множеству щедрот Твоих очисти беззаконие мое.  
Наипаче омьши мя от беззакония моего и от греха  
моего очисти мя. Яко беззаконие мое аз знаю и грех  
мой предо мною есть вина. Тебе единому согреших и  
лукавое пред Тобою сотворих. Яко да оправдишия в  
словесех Своих и победиши внемгда судити. Се бо в  
беззаконных зачат есмь, и во гресех роди мя мати  
моя. Се бо истину возлюбил еси; безвестная и тайная  
премудрости Твоея явил ми еси. Окропиши мя  
иссопом, и очыщуся. Омьеши мя, и паче снега  
убелюся. Слуху моему даши радость и веселие,  
возрадуются кости смиренныя. Отврати лице Твое  
от грех моих и вся беззакония моя очисти. Сердце  
чисто созижди во мне, Боже, и дух прав обнови во  
утробе моей. Не отвержи мене от лица Твоего и Духа  
Твоего Святаго не отыми от мене. Воздаждь ми  
радость спасения Твоего и Духом Владычным  
утверди мя. Научу беззаконныя путем Твоим, и  
нечестивии к Тебе обратятся. Избави мя от кровий,  
Боже, Боже спасения моего; возрадуется язык мой  
правде Твоей. Господи, устне мои отверзеши, и уста

мо́я возвестя́т хвалу́ Твою́. Я́ко а́ще бы восхотѣл  
же́ртвы, дал бых у́бо; всесожже́ния не благоволи́ши.  
Же́ртва Бо́гу — дух сокруше́н: се́рдце сокруше́нно и  
смирѣ́нно Бог не уничижи́т. Ублажи́, Го́споди,  
благоволе́нием Твои́м Си́она; и да сози́ждутся стѣны  
Иеросали́мския. Тогда́ благоволи́ши же́ртву пра́вды,  
возноше́ние и всесожигáемая. Тогда́ возложáт на  
олта́рь Твой тельца́.

**Го́споди, Иису́се Христѣ́, Сы́не Бо́жии, поми́луй  
нас. Амѣ́нь. (поклон).**

**И читается канон за болящаго.**

**Глас 3. Песнь 1. Ирмос.**

**Пределя́ему мо́ре жезло́м дрѣвле, Изра́иль про́йде я́ко  
по пусты́ни, я́ко Креста́ о́браз я́ве претворя́ше стезю́,  
сего́ ра́ди воспоём во хвалѣ́нии, чу́дному Бо́гу  
на́шему, я́ко просла́вился.**

**Запев. Ми́лостиве Го́споди, услы́ши моли́тву раб  
Свои́х, моля́щихся Тебе́ (поклон).**

**В день печа́ли, нашедши́я на ны, к Тебе́, Христѣ́  
Спа́се, припада́юще, Твоея́ ми́лости про́сим, облегчи́  
болѣзнь раба́(ы) Твоего́(ея́), изорцы́ нам я́ко и  
со́тнику: иди́, се здрав есть о́трок твой.**

**Запев. Ми́лостиве Го́споди, услы́ши моли́тву раб  
Свои́х, моля́щихся Тебе́.**

**Мо́льбы́ и моле́ния, с воздыхáнием к Тебе́ вопие́м,  
Сы́не Бо́жии, поми́луй нас, воздвигни со одра́**

лежáщаго(ую), я́ко осла́бленнаго слóвом: возьми́ одр  
свой, глаго́ля, отпуща́юттися греси́ твой.

**Сла́ва Отцу́ и Сы́ну и Свято́му Ду́ху.**

**Твоего́ Христé** о́браза подо́бию поклоня́ющесея  
**(поклон)**, ве́рою целу́ем, и боля́щему(ей) здра́вие  
прóсим, подража́юще кровоте́чией, я́же подо́лце риз  
Ти косну́ся, и исцеле́ние недúга прия́т.

**И ны́не и прýсно и во́ веки веко́м, ами́нь.**

**Пречи́стая Госпоже́ Богоро́дице, всем извéстная**  
**Помощница,** не прэ́зри нас, к Тебе́ припа́дающих,  
моли́ я́ко Блага́, Своего́ Сы́на и Бо́га на́шего, да́ти  
здра́вие боля́щему(ей), да Тя с на́ми прославля́ет.

**Катавасия.** Сохрани́ от ско́рби, от болéзни, от недúга  
тяжкаго раба́(у) Своего́(ю) **(имя рек)** боля́щаго(ую)  
Милостиве, я́ко усéрдно к Тебе́ прибега́ем, к  
Милостивому Изба́вителю и всех Влады́це, Го́споду  
Исúсу **(поклон)**.

**Го́споди помилуй (трижды, с поклонами).**

### **Песнь 3. Ирмос.**

**И́же** от не сýщих вся приве́ди, Сло́вом созида́ема,  
соверша́ема же Ду́хом, Вседержи́телю Вы́шнии, в  
любви́ Своёй утверди́ мене́.

**Запев.** Милостиве Го́споди, услы́ши моли́тву раб  
Свои́х, моля́щихся Тебе́.

**И́же(я́же)** от тяжких болéзней на землі повéржен(а),  
к Тебе́ Христé, с на́ми вопи́ет, пода́ждь здра́вие  
телеси́ его́(ей), я́ко же Иезеки́и плака́вшуся к Тебе́.

**Запев.** Мíлостиве Гóсподи, услыши моли́тву раб Свои́х, моля́щихся Тебе́.

**При́зри** Гóсподи, на на́ше смире́ние и не помяни́ беззакóнии на́ших, но ве́ры ра́ди боля́щаго(и́я), я́ко прокаже́ннаго, сло́вом исцели́ ему́(е́й) болéзнь, да Твоé, Христé Бóже, сла́вится и́мя.

**Сла́ва** Отцу́ и Сы́ну и Свято́му Ду́ху.

**Цéрковь** ю́же еси́ освяти́л, на ту Христé не даждь понóса, но воздвигни невидимо в недúзе на одре́ лежа́щаго(у́ю), в не́йжетися мо́лят; да не реку́т неве́рнии: где есть Бог их?

**И** ны́не и прíсно и во́ веки веко́м, ами́нь.

**К** Твоему́ Пречы́стому Богороди́це, образу́ ру́це возде́юще, вопие́м: услыши раб Твои́х моли́тву и спаси́ в болéзни лежа́щаго(у́ю), да от болéзни воста́в(ши), возда́ст обе́ты, я́же в печа́ли глаго́лаша уста́ егó(е́я).

**Катавасия.** Сохрани́ от ско́рби, от болéзни, от недúга тяжка́го раба́(у́) Своегó(ю́) (и́мя рек) боля́щаго(у́ю) Мíлостиве, я́ко усéрдно к Тебе́ прибега́ем, к Мíлостивому Изба́вителю и всех Влады́це, Гóсподу Иису́су (покло́н).

**Гóсподи** поми́луй (трижды, с покло́нами).

**Седален. Глас, 8.**

**На** одре́ грехóвнем лежа́ща(у) мя, и страстьми́ уязвена(у), и я́коже воздвиге́ Петро́ву те́щу, и спасе́ разсла́бленаго носима́ со одро́м; та́ко и ны́не посети́



Мілостиве, болящаго(ую), понесѣи недѹги рѹда на́шего, Тебѣ едінаго свѣмы, терпеліва и милосѣрда, мѣлостива Врача́ душам и телом, Христа́ Бѹга на́шего, наводяща недѹги, и па́ки исцеляюща, подава́юща прощѣние ка́ющимся о согрешѣниих, едінаго Милосѣрдаго и Мѣлостиваго.

**Сла́ва Отцѹ и Сѣну и Свято́му Дѹху.**

**Аз** грѣшныи(ая) пла́чуся, на одрѣ своѣм слежа́(щи), простѣню ми пода́ждь, Христѣ́ Бѹже, и от болѣзни сея́ воздвѣгни мя; я́же есмь от ю́ности грехі́ сотворѣл(а), избѣ́йти ми моли́твами Богоро́дицы сих да́руй.

**И** ны́не и прѣсно и во́ веки веко́м, ами́нь.

**У** милосѣрдися и спасѣ́ мя, воздвѣгни мя от одра́ болѣзненаго, мо́щь бо мо́я во мне изнемо́же, и весь(вся) неча́янием одержѣ́мь(ма) есмь, Ма́ти Бѹжия Пречѣ́стая, исцелѣ́ недѹгующа(ю) лю́те, Ты бо еси́ Помо́щница христия́ном.

#### **Песнь 4. Ирмос.**

**Положи́** к нам твѣрдую лю́бовь Си Го́споди, единоро́днаго бо Ти Сѣ́на, нас ра́ди на́ смерть вдал еси́, те́мже Ти вопиѣ́м, восхваля́юще: сла́ва си́ле Твоѣ́й.

**Запев.** Мѣлостиве Го́споди, услы́ши моли́тву раб Своѣ́х, моля́щихся Тебѣ́.

**У́же** отча́янна(у) лю́тым недѹгом, и к сме́рти прибли́жившася(уся), возвратѣ́, Христѣ́ на живѹт и

даждь плачущимся утѣху, да вси прославляем Твою святая чудеса.

**Запев.** Милостиве Господи, услыши молитву раб Своих, молящихся Тебе.

**К** Тебе Творче, каемся своих грех, яко не хощеши смерти грешничи; оживи, уздрави болящаго(ую), да востав(ши) послужит Ти, исповѣдая с нами Твою благодать.

**Слава** Отцу и Сыну и Святому Духу.

**С**лезы Манасиины, ниневитян покаяние, Давидово исповѣдание приим, вскоре спасл еси; и наша молитвы ныне приими, даждь здравие болящему(ей), о нем(ней) же Тя молим.

**И** ныне и присно и во веки веком, аминь.

**Подаждь** нам Твою милость, Госпоже, всегда на Тя надеющимся, испроси здравие болящему(ей), врачевней Твои руке с Предотечею Богородице, ко Господу простираючи.

**Катавасия.** Сохрани от скорби, от болезни, от недуга тяжкаго раба(у) Своего(ю) (имя рек) болящаго(ую) Милостиве, яко усердно к Тебе прибегаем, к Милостивому Избавителю и всех Владыце, Господу Исусу (поклон).

**Господи помилуй (трижды, с поклонами).**

## Песнь 5. Ирмос.

**На** земли Невидимыи явися, и с земными волею поживе Непостижимыи; и к Тебе утреннююще, воспеваем Тя, Человеколюбче.

**Запев.** Милостиве Господи, услыши молитву раб Своих, молящихся Тебе.

**Д**щерь Иаирову уже умершу, яко Бог оживил еси; и ныне возведи, Христе Боже, от врат смертных болящаго(ую), Ты бо еси путь и живот всем.

**Запев.** Милостиве Господи, услыши молитву раб Своих, молящихся Тебе.

**С**ына вдовича оживив Спасе, и тоя слезы преложив на радость; спаси от недуга тлеющаго(ую) раба(у) Си, да и наша скорбь и болезнь на радость преидет.

**С**лава Отцу и Сыну и Святому Духу.

**О**гненную болезнь тещи Петрове прикосновением Твоим исцелив; ныне востави болящаго(ую) раба(у) Ти, да востав(ши), яко и она, послужит Ти.

**И** ныне и присно и во веки веком, аминь.

**С**корбнии, смиреннии, грешнии, не имущии дерзновения, к Тебе Пречистая Богомати вопием: умоли Сына Своего Христа, дати болящему(ей) здравие телеси.

**Катавасия.** Сохрани от скорби, от болезни, от недуга тяжкаго раба(у) Своего(ю) (имя рек) болящаго(ую) Милостиве, яко усердно к Тебе прибегаем, к

Мілостивому Избáвителью и всех Влады́це, Го́споду Исúсу (**поклон**).

Го́споди помíлуй (**трижды, с поклонами**).

### **Песнь 6. Ирмос.**

**Бéдна** послéдняя грехóв обы́де мя, и исчеза́ет дух мой, но простéр Влады́ко высóкую Си мы́шцу, я́ко Петра́ мя, Упрáвителью спасí.

**Запев.** Мíлостиве Го́споди, услы́ши моли́тву раб Свои́х, моля́щихся Тебе́.

**Бéдну** милосéрдия и мíлости имéя, Христé Бóже, внуши́ молéния раб Твои́х, Ты бо еси́ Петро́м Тави́фу воскресíв; Ты и ны́не в болéзни лежа́щаго(**ую**) **воздвígни**, послу́шав церкóвных моли́твенник.

**Запев.** Мíлостиве Го́споди, услы́ши моли́тву раб Свои́х, моля́щихся Тебе́.

**Врачу́** душáм и тéлом нáшим, понесы́и недúги всегó мíра Христé, и Ене́я Па́влом исцели́выи; Ты и ны́не боля́щаго(**ую**) **исцели́**, святы́х апóстол моли́твами.

**Сла́ва** Отцу́ и Сы́ну и Свято́му Ду́ху.

**Преложí** Христé, на ра́дость рыда́ние, о недúжном(**ей**) скорбя́щем(**ей**), да Твою́ получи́вше мíлость, вни́дут в дом Твой, со обéтными дарми́, сла́вяще Тя в Трóице Еди́наго Бóга.

**И** ны́не и прíсно и во́ веки веко́м, ами́нь.

**Приидíte** О! дру́зи, поклонíмся (**поклон**), моля́щися о боля́щем(**ей**), Божíи Ма́тери; Та бо име́ет власть

недужныя исцеляти со безмездникама вкупе,  
духовным невидимо помазаючи маслом.

**Катавасия.** Сохрани от скорби, от болезни, от недуга  
тяжкого раба(у) Своего(ю) (имя рек) болящего(ую)  
Милостиве, яко усердно к Тебе прибегаем, к  
Милостивому Избавителю и всех Владыце, Господу  
Исусу (поклон).

**Господи помилуй (трижды).** Слава Отцу и Сыну и  
Святому Духу, и ныне и присно и во веки веком,  
аминь.

**Кондак, глас, 3. Подобен: Девая днесь.**

Душу мою Господи, во гресех всяческих,  
безместными деяньми люте ослабленну, воздвигни  
божественным Си человеколюбием, якоже и  
ослабленнаго воздвигнул еси древле; да зову Ти  
спасаем, Щедрый Христе, даждь ми исцеление.

**Икос.** Иже руки Своея горстию содержаи концы,  
Исусе Боже. Иже Отцу Собезначальныи, и Духу  
Святому совладычествуяи всяко, плотию явился еси,  
недуги исцеляя, и страсти очисти еси, слепца  
просветил еси, и ослабленнаго словом  
Божественным совозставил еси, и сему внезапно  
ходити, и свой понести одр повелел еси на раму взяв.  
Темже вси с ним воспеваем и поем: Щедрый Христе,  
даждь ми исцеление.

**Затем:** Прокимен, псалом, давидов. **Аз** рех Господи  
помилуй мя, и исцели душу мою, яко согреших Тебе.

**Повторяем пением:** Аз рех Гóсподи помíлуй мя, и исцелí дúшу мою, я́ко согрешíх Тебé.

**Стих:** Блажéн разумева́яи на ни́ща и убо́га, в день лют избáвит ѝ Госпóдь.

**Припев:** Аз рех Гóсподи помíлуй мя, и исцелí дúшу мою, я́ко согрешíх Тебé.

**Стих:** Аз рех Гóсподи помíлуй мя, и исцелí дúшу мою.

**Припев:** Я́ко согрешíх Тебé.

**Затем:** Гóсподи, Исúсе Христé, Сы́не Бóжи, помíлуй нас. Амíнь. (поклон).

**Затем:** Вся́ко дыха́ние да хва́лит Гóспода.

**Повторяем пением:** Вся́ко дыха́ние да хва́лит Гóспода.

**Стих:** Хвалíte Бóга во святýх Егó, хвалíte Егó во утвержéнии сил Егó.

**Припев:** Вся́ко дыха́ние да хва́лит Гóспода.

**Стих:** Вся́ко дыха́ние.

**Припев:** Да хва́лит Гóспода.

**Затем:** Гóсподи помíлуй (трижды).

**Посем Евангелие от Иоанна зачало 13  
чтем болящим мужём.**

**От Иоанна святаго Евангелия чтѣние.**

**Слава Тебѣ Господи. (поклон).**

**Посем, перекрестившись, рцы Евангелие.**

**Во** время оно, бе некии царев муж, егоже сын боляше в Капернауме. Сей слышав яко Исус прииде от Иудеи в Галилею, иде к Немю и моляше Его, да снидет и исцелит сына Его, хотяше бо умрети. Рече убо Исус к нему: аще знамении и чудес не видите, не имате веровати. Глагола к Немю царев муж: Господи, сниди, прежде даже не умрет отроча мое. Глагола ему Исус: иди, сын твой жив есть. И верова человек словеси, еже рече ему Исус, и идяше. Абие же входящу ему, се раби его сретоша его, и возвестиша ему глаголюще, яко сын твой жив есть. Вопрошаше убо от них час, в который легчае ему бысть, и реша ему, яко вчера в час седмьи, остави его огонь. Разуме же отец, яко той бе час, в оньже рече ему Исус, яко сын твой жив есть, и верова сам и весь дом его. Се паки второе знамение сотвори Исус, пришед от Иудеи в Галилею.

**Слава Тебѣ Господи. (поклон).**

**А се женам. Евангелие от Матфея, зачало 26.**

**От Матфея святаго Евангелия чтѣние.**

**Слава Тебѣ Господи. (поклон).**

**Посем, перекрестившись, рцы Евангелие.**

**Во** время оно, прииде Исус в дом Петров, виде тещу его лежащу и огнем жегому, и прикоснуса руке ея, и

оста́ви ю́ огонь, и воста́ и служа́ше ему́. По́зде же бѣ́вшу, приведо́ша к Нему́ бѣсны мно́ги, и изгна́ дѹхи сло́вом и вся боля́щия исцели́. Да сбѹдется рече́нное Иса́ием проро́ком, глаго́лющим: Той недѹги на́ша при́ят и болѣ́зни понесе́. Ви́дев же Иису́с мно́ги наро́ды о́крест Себе́, повеле́ ити́ на он пол. И пристѹпль еди́н кни́жник, рече́ Ему́: Учи́телю, иду́ по Тебе́, а́може а́ще и́деши. Глаго́ла ему́ Иису́с: ли́си я́звины и́мут, и пти́цы небѣ́сныя гне́зда, Сын же Чело́веческии не и́мать где главы́ подкло́нити. Други́и же от учени́к Его́ рече́ Ему́: Го́споди, повели́ ми прѣ́жде ити́ и погребсти́ отца́ моего́. Иису́с же рече́ ему́: гряди́ по Мне и оста́ви ме́ртвых погребсти́ своя́ мертвецы́.

**Сла́ва Тебе́ Го́споди. (поклон).**

**Затем:** Сла́ва Отцу́ и Сы́ну и Свя́тому Дѹху. О́тче и Сло́ве и Дѹше, Трѳи́це Свята́я очисти́ мно́жество согреше́нии на́ших.

**И** ны́не и прѣ́сно и во́ веки веко́м, ами́нь. **Моли́тв** ра́ди Богоро́дицы, ми́лостиве очисти́ мно́жество согреше́нии на́ших.

**Поми́луй** мя, Бо́же, по вели́цей ми́лости Твое́й. По мно́гим щедро́там Твои́м, очисти́ беззакѳ́ния моя́, Бо́же Спа́се мой.

**Затем стихера, глас, 5.**

**Взы́де** Иису́с во Иеросали́м на О́вчую купе́ль,



глаго́лемую иуде́йски Вифесда́, пять притво́р  
иму́щу, иде́же слежа́ше мно́жество боля́щих. А́нгел  
бо Бо́жии по вся ле́та сходя́, возмуца́ше ю́, и здра́вие  
подава́ше присту́пающим с ве́рою. И ви́дев Госпо́дь  
многове́ременна челове́ка, глаго́ла к нему́: хощеши ли  
цел бы́ти? Боля́и отвещава́ше: Го́споди, челове́ка не  
йма́м, да егда́ возмуті́тся вода́, вве́ржет мя в купе́ль,  
враче́м изда́х все имéние моé, и ми́лости улу́чити не  
сподо́бихся. Но Врач душа́м и те́лом глаго́ла к нему́:  
возми́ свой одр и ходи́, пропове́дая Мою́ си́лу, и  
ве́лию ми́лость в конце́х.

### **Песнь 7. Ирмос.**

**Пе́рвее** те́лу злато́му, пе́рскою че́стию де́ти не  
поклони́шася, три́е пою́ще посреде́ пе́щи огня́: отце́м  
Бо́г благослове́н еси́.

**Запев Кресту.** Сла́ва Го́споди Кресту́ Твоему́  
честно́му.

**О!** Кре́сте пресвяты́й Христов, честно́е дре́во  
живо́тное, тобо́ю смерть поги́бе, и ме́ртвии  
воскресо́ша, и ны́не боля́щаго(ую) исцели́ и оживи́,  
якоже при Еле́не умершу́ю деви́цу.

**Запев.** Ми́лостиве Го́споди, услы́ши моли́тву раб  
Свои́х, моля́щихся Тебе́.

**До́лгую** и лю́тую боле́знь Йо́влю на гно́ищи и в  
че́рвех, то́го моля́щася сло́вом исцели́л еси́, Го́споди;  
ны́не же в це́ркви о боля́щем(ей) моли́м Тя: я́ко Благ,  
исцели́ невиди́мо моли́твами святы́х Твои́х.

**Сла́ва Отцу́ и Сы́ну и Свято́му Ду́ху.**

**В**си свѣмы́ яко́ умрети́ намъ естъ, Тебѣ́ Бо́гу, та́ко изво́льшу; но на ма́ло вре́мя Мѣлостиве, здра́вѣя прѣ́сим боля́щему(ей), преме́ни от сме́рти на живѣ́тъ, даждь скорбѣ́ющимъ утѣху.

**И** ны́не и прѣ́сно и во́ веки веко́м, ами́нь.

**П**осо́бствуй и помога́й на́шему сирѣ́тству Богоро́дице, Ты бо ве́си вре́мя и час, когдѣ́ умоли́ти Сы́на Своего́ и Бо́га на́шего, да́ти боля́щему(ей) здра́вѣе и прощѣ́ние от всехъ грехъ.

**Катавасѣя.** Сохрани́ от ско́рби, от болѣ́зни, от недѣ́га тѣ́жкаго раба́(у) Своего́(ю) (и́мя рек) боля́щаго(ую) Мѣлостиве, яко́ усѣ́рдно къ Тебѣ́ прибега́ем, къ Мѣлостивому́ Изба́вителю́ и всехъ Владѣ́ще, Го́споду Исѣ́су (покло́н).

**Го́споди поми́луй (трижды, с покло́нами).**

### **Песнь 8. Ирмос.**

**С**лужѣ́ти жи́ву Бо́гу, и́же в Вавило́не дѣ́ти претерпе́ша, о мусики́йскихъ орга́нѣхъ неради́ша, и в пла́мени посреде́ стоя́ще, богоуго́дную песнь по́яху: благослови́те вся́ дѣ́ла Го́сподня Го́спода.

**Запев.** Мѣлостиве́ Го́споди, услы́ши моли́тву рабъ Свои́х, моля́щихся Тебѣ́.

**К**ажѣ́ покажи́ Владѣ́ко, болѣ́знию раба́(у) Твоего́(ю), и ско́ро исцели́, Мѣлостиве́ Христѣ́ Бо́же, и ещѣ́ сме́рти не преда́ждь сѣ́дней, да Ти пока́яние возда́ст; Самъ бо реклѣ́ еси́: не хо́щю сме́рти грѣ́шници.

**Запев.** Мíлостиве Гóсподи, услыши моли́тву раб Свои́х, моля́щихся Тебе́.

Гóсподи Мíлостиве, Твоя́ пресла́вная чудеса́, да и до нас ны́не достíгнут; бе́сы прожени́, недúги погуби́, ра́ны исцели́, болéзни уврачу́й, и потво́ры и чароде́яния, и вся́кия я́зи изба́ви ны.

**Сла́ва Отцу́ и Сы́ну и Свято́му Ду́ху.**

**Запрети́выи** Христé морьскíм вéтром, и страх учени́к на ра́дость преложи́; запрети́ и ны́не тяжким болéзнем, тружа́ющим раба́(у́) Твоего́(ю́), да вси возвесели́мся, хва́ляще Тя во́ веки.

**И** ны́не и прíсно и во́ веки веко́м, ами́нь.

**Иза́ви** Богороди́це, от обыше́дших ны печа́лей, бед же и скорбéй, и всех разли́чных недúг, отра́вы же и чароде́йства, и бесóвскаго мечтáния, и от уро́ка злых челове́к, и напрáсныя смéрти, мо́лимся.

**Катавасия.** Сохрани́ от скóрби, от болéзни, от недúга тяжкаго раба́(у́) Своего́(ю́) (имя рек) боля́щаго(ую) Мíлостиве, я́ко усéрдно к Тебе́ прибега́ем, к Мíлостивому Иза́вителю и всех Влады́це, Гóсподу Исúсу (поклон).

**Гóсподи помíлуй (трижды, с поклонами).**

**Песнь 9. Ирмос.**

**На** Сина́стей горé ви́де Тя в купинé Моисéй неопáльну, огонь Божéственныи зачéншу во́ чреве; Дани́л же Тя ви́де, гóру непресéчену; жезл прозя́бшии, Исáия взыва́ше, от кóрене Давы́дова.

**Запев.** Мíлостиве Гóсподи, услыши моли́тву раб Свои́х, моля́щихся Тебе́ (поклон).

**Исто́чнице** жи́зни, пода́телю Христе́ мíлости, не отврати́ лица́ Твоего́ от нас, облегчи́ бо́лезнь утру́же́ному(ой) бо́лезнию, и воздвигни́ я́ко Фадде́ом А́вгаря, да при́сно Тебе́ сла́вит, со Отце́м и Святы́м Ду́хом.

**Запев.** Мíлостиве Гóсподи, услыши моли́тву раб Свои́х, моля́щихся Тебе́.

**Ева́нгельскому** ве́рующе гла́су, Твоего́ и́щем обе́та Христе́, проси́те бо рече́, и да́тся вам; тем ны́не предсто́яще мо́лим Тя: воста́ви со одра́ здра́ва(у), лю́тым пове́ржена(у) недúгом, да Тя с на́ми вку́пе велича́ет.

**Сла́ва** Отцу́ и Сы́ну и Свято́му Ду́ху.

**Му́чимыи(ая)** недúгом, внутрь невидимыми ра́нами, Тебе́ Христе́, с на́ми вопи́ет; не нам Гóсподи, ни нас ра́ди, вси бо есмы́ испо́лнены грехо́в, но Ма́терними Ти и Предоте́чевыми моли́твами даждь исцеле́ние боля́щему(ей), да Тя вси возвели́чим.

**И** ны́не и при́сно и во́ веки веко́м, ами́нь.

**Бо́жия** Ма́ти Пречи́стая, со все́ми святы́ми призыва́ем Тя, со а́нгелы и арха́нгелы, с проро́ки и патриа́рхи, со апо́столы и святители́, с преподо́бными и пра́ведными, моли́тися Христу́ Бо́гу на́шему да́ти здра́вие боля́щему(ей), да Тя вси велича́ем.

**Катавасия.** Сохрани от скорби, от болезни, от недуга тяжкаго раба(у) Своего(ю) (имя рек) болящаго(ую) Милостиве, яко усердно к Тебе прибегаем, к Милостивому Избавителю и всех Владыце, Господу Исусу (поклон).

**Господи помилуй (трижды, с поклонами).**

Досто́йно есть, яко воистину блажить Тя Богородице, присно блаженную и пренепорочную, и Матерь Бога нашего. Честнейшую херувим и славнейшую воистину серафим, без исления Бога Слова рождшую, сущую Богородицу Тя величаем **(Поклон земной).**

**Затем читаем.** Святѣи Бѣже, Святѣи Крѣпкѣи, Святѣи Безсмѣртнѣи, помилуй нас **(трижды, с поклонами).** Слава Отцѹ и Сѣну и Святѣму Дѹху, и ныне и присно и во веки веком, аминь. Пресвятая Троице, помилуй нас. Господи, очисти грехи наша; Владыко, прости беззакония наша; Святѣи, посети и исцели немощи наша; имене Твоего ради. Господи помилуй **(трижды).** Слава Отцѹ и Сѣну и Святѣму Дѹху, и ныне и присно и во веки веком, аминь.

**Отче наш,** Иже еси на небесех. Да святится имя Твое. Да придет царствие Твое. Да будет воля Твоя, яко на небеси и на земли. Хлеб наш насущный даждь нам днесь. И остави нам долги наша, якоже и мы оставляем должником нашим. И не введи нас во искушение. Но избави нас от лукаваго.

**Исусова молитва:** Господи Исусе Христе, Сыне Божии, помилуй нас. **Аминь. (Поклон).**

### **Тропари, глас 6-й.**

**Помілуй нас Гóсподи, помілуй нас, всякаго бо отвéта недоумéюще, сию́ Ти моли́тву, я́ко Влады́ще, грéшнии раб́и Твои́ принóсим, помілуй нас Гóсподи, помілуй нас.**

**Сла́ва Отцú и Сы́ну и Свято́му Дúху.**

**Гóсподи, помілуй нас, на Тя бо упова́хом, не прогне́вайся на ны зело́, ниже́ помяни́ беззакóнии на́ших, но при́зри на ны, я́ко Милосéрд, и избáви нас от враг на́ших, Ты бо еси́ Бог наш, и мы лю́дие Твои́, и вси дéла руку́ Твоею́, и и́мя Твое́ призывáем.**

**И ны́не и прісно и во́ веки веко́м, амінъ.**

**Богородичен.** Милосéрдия двéри отвэ́рзи нам, Благословéнная Богорóдице Дéво, надéющиися на Тя не погíбнем, но да избáвимся Тобóю от бед. Ты бо еси́ спасéние рóду христия́нскому.

**Гóсподи помілуй (40). В начале пения три поклона.**  
**Сла́ва Отцú и Сы́ну и Свято́му Дúху, и ны́не и прісно и во́ веки веко́м, амінъ.**

**Запев:** Мíлостиве Гóсподи, услы́ши моли́тву раб Свої́х, моля́щихся Тебе́ (поклон).

**Молитва.** Бóже сільныи, мíлостию стрóяи вся, на спасéние рóду челове́ческому, посети́ раба́(у) Своего́(ю) сегó(сию́) (и́мя рек), нарица́юща(ю) и́мя Христа́ Твоего́, исцели́ его́(ю) от всякаго недúга плотьска́го и душе́внаго, и отпусти́ грех, и грехóвныя собла́зны, и всяку напáсть, и всякое нашéствие неприязненно, далéче сотвори́ от раба́(ы) Твоего́(ея́), и воздв́гни от одра́ грехóвнаго, и устрои́ его́(ю) во

святую Твою церковь, здрава(у) душею и телом, и дела добрыми славящаго(ую) со всеми людьми имя Христа Твоего, яко Тебе славу возсылаем, со безначальным Ти Сыном и со Святым Духом, ныне и присно и во веки веком, аминь (поклон земной).

**Честнейшую Херувим и славнейшую воистину Серафим, без исления Бога Слова рождшую сущую Богородицу Тя величаем (поклон). Слава Отцу и Сыну и Святому Духу (поклон). И ныне и присно и во веки веком, аминь (поклон). Господи помилуй, Господи помилуй, Господи благослови (поклон).**

**Отпуст: Господи Иисусе Христе Сыне Божии, молитв ради Пречистыя Ти Матери, силою честнаго и животворящаго Креста, заступлением честных небесных сил безплотных, честнаго и славнаго пророка и Предотечи Крестителя Иоанна, святых славных и всехвальных апостол, святых добропобедных мученик, преподобных и богоносных отец наших, святых чудотворец и безсребреник Козьмы и Дамиана, Кира и Иоанна, и всех ради святых, помилуй и спаси болящаго(ую) раба(у) Своего(ю) (имя рек), яко Благ и Человеколюбец. (поклон без крестнаго знамения) Аминь. Господи помилуй (трижды). Исходные поклоны.**